

Qishloq hayoti

O'ZBEKISTON RESPUBLIKASI IJTIMOY-IQTISODIY GAZETASI

1974-yil 1-yanvardan chiqa boshlagan

2024-yil 22-fevral, payshanba

№ 7 (9275)

e-mail: infoqishloqhayoti@yandex.ru

@Qishloqhayoti_gazetasi

“ЎЗБЕКISTON – 2030”:

“АЁЛЛАР ДАФТАРИ” ИЖТИМОЙ ҲИМОЯНИНГ ШАФФОФ МЕХАНИЗМИ

“Ўзбекистон – 2030”

стратегиясида аҳоли талабларига ва халқаро стандартларга тўлиқ жавоб берадиган таълим, тиббиёт ва ижтимоий ҳимоя тизимини ташкил қилиш белгиланган.

Стратегиянинг хотин-қизларни қўллаб-қувватлаш тизимини кучайтириш, уларнинг ҳуқуқ ва қонуний манфаатларини таъминлаш, ижтимоий, иқтисодий, сиёсий фаоллигини ошириш ва гендер тенгликни таъминлаш йўналишида уларнинг ижтимоий-сиёсий фаоллигини ошириш орқали бошқарув лавозимларидаги хотин-қизлар улушини 30 фоизга ошириш кўзда тутилган.

Жамиятда хотин-қизларга таълим ва зўравонликка нисбатан муросасизлик муҳитини яратиш, хотин-қизларнинг ҳуқуқлари ва қонуний манфаатларини таъминлашга алоҳида эътибор қаратилган.

“Аёллар дафтари” билан манзилли ишлашнинг шаффоф механизмини яратиш, мазкур ишлар бўйича жамоатчилик назоратини ўрнатиш белгиланган.

Айтиб ўтиш керакки, кўп миңг йиллик давлатчилигимиз тарихида аёлларни эъозлаш, уларга яхши шароитларни таъминлаб беришга алоҳида урғу берилган.

Бугунги кунда ҳам мамлакатимизда хотин-қизлар ҳуқуқлари ҳимоясини таъминлаш, манфаатларини муҳофаза қилишга доимий эътибор қаратиб келинмоқда. Айниқса, хотин-қизлар ва ёшларнинг ижтимоий ҳимояга муҳтож, турмуш шароити оғир, ишсиз ва касб-хунарга эга бўлмаган, ҳуқуқий ва маънавий-психологик қўллаб-қувватлашга зарурати бўлган фуқароларга давлат томонидан манзилли кўмаклашиш бўйича мутлақо янги тизим жорий қилинди.

(Давоми 2-саҳифада)

Президент Шавкат Мирзиёев раислигида 20 февраль куни ижтимоий ҳимоя соҳасидаги устувор вазифалар муҳокамаси юзасидан видеоселектор йиғилиши ўтказилди.

ИЖТИМОЙ ҲИМОЯНИНГ ЯНГИ ТИЗИМИ

ИНСОН ҚАДРИНИ ТАЪМИНЛАШГА ХИЗМАТ ҚИЛАДИ

Мамлакатимиз Конституциясининг 1-моддасида Ўзбекистон ижтимоий давлат экани белгиланган. Шунга мувофиқ, 2023 йил 1 июнда аҳолига сифатли ижтимоий хизмат ва ёрдам кўрсатиш бўйича фармон қабул қилиниб, Ўзбекистон Республикаси Президенти ҳузурда Ижтимоий ҳимоя миллий агентлиги ташкил этилди.

Ўтган вақт мобайнида ўндан ортиқ давлатнинг тажрибаси чуқур ўрганилди, малакали экспертлар жалб қилинди. Шу асосда олиб борилган таҳлилларга кўра, бу соҳа 30 йил олдинги тизимда қолиб кетган, фақат давлат ажратган пулни тарқатиш билан шугулланган. Бу айрим одамларни ўзини ўнглаб олишга эмас, ёрдам кутиб яшашга ўргатиб қўйган.

Мисол учун, меҳнатга лаёқатли кишиларга ҳам нафақа тўлаб келинган. Ногиронлиги борларни тиббий ва ижтимоий реабилитация қилиш, касбга ўргатиш орқали ҳаётга қайтаришга етарлича эътибор берилмаган.

Давлатимиз раҳбари бу тизимни тубдан ислоҳ қилиш, ижтимоий ёрдамнинг манзиллилиги ва натижадорлигини таъминлаш зарурлигини таъкидлади.

– Бу соҳада умумий ишлаб бўлмайди. Ҳар бир

оила ва инсон тақдирига алоҳида, профессионал ёндашиш лозим. Ижтимоий хизмат тўғри йўлга қўйилса, эҳтиёжманд фуқаролар жамиятда ўз ўрнини топади, – деди Шавкат Мирзиёев.

Йиғилишда бу борадаги устувор вазифалар белгиланди. Аввало, ижтимоий хизмат ва ёрдамни маҳалла даражасида ташкил этиш масалалари кўриб чиқилди.

Сўнгги ойлarda кам таъминланган оилалар манзилли ўрганилгани ҳамда тизим шаффоф қилингани натижасида доимий даромадга эга оилалар бундай тоифадан чиқарилган. Аксинча, ўзгалар парваришига муҳтож, ёлғиз яшаётган 2 миңг кишига ёрдам кўрсатиш йўлга қўйилган.

Умуман, ижтимоий ҳимоя тизими билан 250 та хизмат қамраб олинган

бўлса-да, маҳалладаги аҳоли уларнинг ярмини ҳам билмайди.

Шу боис 1 июндан ижтимоий ҳимояга муҳтож аҳолини аниқлаш тартиби ва улар билан ишлаш тизими ўзгаради. Бунда эҳтиёжманд тоифани аниқлаш бўйича мезонлар ишлаб чиқилади ва уларнинг айнан қандай ёрдамга муҳтожлиги аниқ белгилаб берилади. Муҳтожларнинг ҳар бири бўйича индивидуал ижтимоий хизматлар дастури бўлади.

Бу борада ягона саволнома жорий қилинади. Хонадонга “маҳалла еттилиги”нинг қайси вакили киришидан қатъий назар, оиладаги муаммо ва имкониятлар аниқлаиб, “ижтимоий портрети” чизилади. Ёрдамдан сўнг хонадонда нима ўзгаргани мониторинг қилиб борилади.

Бу ерда гап маблағни қисқартириш ҳақида эмас, уни ўз эгасига – ҳақиқий муҳтожларга бериш ва жамиятга интеграция қилиш ҳақида кетмоқда.

(Давоми 2-саҳифада)

Ҳадемай, кунлар исиб кетади. Ғаллани суғориш, пушта олинган майдонларда чигит экиш олдидан нам тўплаш учун каналларга сув очилади. Сув ҳўжалиги соҳаси ходимлари учун ҳар бир кун, ҳар соат ғанимат.

ҲАЙЪАТ ЙИҒИЛИШИ ЎТКАЗИЛДИ

Янги ташкил этилган туман “Сув етказиб бериш хизматлари” давлат муассасалари фаолиятини тўлиқ йўлга қўйиб олиш, штатлар жадвалини буллаш, режадаги каналларни бетонлаш ва қурилиш ишларини якунлаш зарур. 2024 йил 20 февраль куни Сув ҳўжалиги вазирлигининг ҳайъат йиғилишида ҳозирги мавсумда бажарилиши лозим бўлган муҳим масалалар муҳокама қилинди. Йиғилишни ҳайъат раиси, Сув ҳўжалиги вазири Ш. Ҳамраев олиб борди. Вазир ўринбосарлари, Қорақалпоғистон Республикаси ва вилоятлардаги сув ҳўжалиги ташкилотлари раҳбарлари ҳамда вазирликдан ҳудудларга бириктирилган масъуллар ZOOM платформаси орқали қатнашди.

Жорий йилнинг 12 февралда Ўзбекистон Республикаси Ҳисоб палатаси, Республика Бош прокуратураси, Иқтисодиёт ва молия вазирлиги ҳамда Сув ҳўжалиги вазирлигининг қўшма қарори қабул қилинган. Ҳўжат Сув ҳўжалиги вазирлиги тизимида давлат бюджети маблағларининг мақсадли ва самарали ишлатилиши устидан мониторинг ва на-

зорат тизимини ўрнатишга қаратилган. Йиғилишда Ҳисоб палатасининг бош инспектори Ш.Ғафоров қўшма қарорнинг мазмун-моҳияти юзасидан тушунтириш берди. Вазирлик тизимида бюджет маблағларининг мақсадли фойдаланилиши устидан мониторинг қилинаётганлиги, бу коррупция ҳолатларининг олдини олишга, шаффофликни оширишга хизмат қилиши таъкидланди. Йиғилишда вазир ўринбосари Р.Қаршиев Президентимизнинг 2024 йил 5 январдаги 5-сонли қарори ижроси ҳақида ҳисобот берди. Маълум қилинишича, жорий йилнинг 1 февралдан бошлаб “suvkredit.uz” электрон тизими тўлиқ ишга туширилди. Бугунги кунга қадар республика бўйича жами 1 725 та фермер хўжалиklarининг 39,9 миң гектар майдони учун 832,1 млрд. сўмлик кредит шартномаларининг тижорат банкларига онлайн юборилишида амалий ёрдам кўрсатилди. Ижобий деб баҳоланган 1 377 та аризадан 198 тасига 4 миңг гектар майдон учун 47,6 млрд. сўм кредит маблағлари ажратилди.

(Давоми 2-саҳифада)



НАМАНГАН ВИЛОЯТИ

ҲАР БИР МУРОЖААТ ЭЪТИБОРДА

Ўтган йил мобайнида туманимизда Президент ишонч телефони, Президент почтаси ва ХАЛҚ ҚАБУЛХОНАСИГА ЖИСМОНИЙ ВА ЮРИДИК ШАХСЛАРДАН 7 МИНГА ЯҚИН МУРОЖААТЛАР КЕЛИБ ТУШГАН Бўлиб, уларнинг 48 ФОНЗИ ИЖОБИЙ, 28 ФОНЗИ ҲУҚУҚИЙ МАЪЛУМОТ БЕРИШ ОРҚАЛИ, 17 ФОНЗИ ЭСА АСОСЛИ ТУШУНТИРИШ БЕРИШ ЙўЛИ БИЛАН ХАЛ ЭТИЛДИ.

3

ХОРАЗМ ВИЛОЯТИ

Сув текин эмас

Сув бўлмаса ҳаёт йўқ. Шу боис ҳам бу улуғ неъматни ота-боболаримиз азалдан эъозлаб, ҳар томчисидан оқилона фойдаланишни қадрият даражасига кўтаришган. Барча неъматларнинг ҳисоби бўлганидек, обиҳаётнинг ҳам ўлчови бор.

ҲАР ҚАТРАСИ ОЛТИНГА ТЕНГ

Глобал иқлим ўзгаришлари туфайли сайёрамизда юзага келаётган экологик муаммолар сабабли сув ресурслари тақчиллиги хавфининг ортиб бораётгани бугунги кунда нафақат мамлакатимиз, балки бутун дунё халқлари учун ҳам ўта долзарб масалага айланди.

Амударё ва Сирдарё оралиғида жойлашган Ўзбекистонимизда фойдаланиладиган сувнинг 80 фоизи кўшни мамлакатлар ҳудудида шаклланади. Глобал иқлим ўзгаришлари, минтақада ёғингарчилик миқдорларининг йилдан йилга камайиши сув ресурсларига ҳам таъсирини кўрсатмоқда.

(Давоми 3-саҳифада)



АНДИЖОН ВИЛОЯТИ

КАНАЛЛАРНИ БЕТОНЛАШТИРИШ ИШЛАРИ ЖАДАЛ ОЛИБ БОРИЛМОҚДА

Ўзбекистон Республикаси Вазирлар Маҳкамасининг 2023 йил 21 декабрдаги “2024 йилда сувни тежаш ҳамда сув ҳўжалиги объектларини модернизация қилиш ва ривожлантириш бўйича чора-тадбирлар тўғрисида” ги қарори ижроси юзасидан Андижон вилоятида ҳам кенг қўламли ишлар амалга оширилмоқда. Жумладан, 8 та объектдаги салкам 41 км. узунликдаги каналларни бетонлаштириш, ушбу объектларнинг лойиҳа ҳўжатларини ишлаб чиқиш ва қурилиш-монтаж ишларини амалга ошириш учун жорий йилда давлат бюджетидан жами 29,2 млрд. сўм миқдордаги пул маблағлари ажратилиши режалаштирилган.

Қарорга асосан, белгиланган объектларнинг 4 таси қонунчилик талаблари асосида лойиҳачи ташкилотлар томонидан электрон танлов ўтказиш орқали танлаш учун

“Tender.mc.uz” электрон порталга эълон берилиб, бош лойиҳачи этиб “KOMFORT STROY GRAND” МЧЖ ташкilotи аниқланди.

(Давоми 2-саҳифада)

